

(ارتقا) نك استانبول و طهره ایچون
بو سنه لك آتونه سی ۳۲ غروشدور .

مخائن بالجله ارباب قله آچقندر . هر ال
قلم طوتان یازمه بیلیر .
اداره خانه سی باب عالی جاده سنده ۴۰
نومرو لی « معلومات » مطبعه سیدر .

JOURNAL ILLUSTRE
IRTIKA



ادبیات ، فنون عسکریه ، بحریه ، تاریخ ،
تجارت ، زراعت ، صنایع ، معارف ، امور
نافعه و اکلنجه لی ققراتدن باحث مصور
جریده در .

هر نوع خصوصات ایچون غزته نك مدیری
سعادتلو طاهر بك افندی حضرتلرینه مراجعت
اولنور .

BUREAUX :
Imprimerie Tahir Bey
40, rue de la Sublime-Porte,
STAMBOUL

نسخه سی : ۲۰ پاره یه در

جمعه کونلری نشر اولنور فنی و ادبی مصور عثمانلی غزته سیدر .

نسخه سی : ۲۰ پاره یه در

او هدفه آتش اتمکه دوام ایندی . بعض قوماندانلر بویه بستیون بوشنه کچن زماندن تعبیه جه بر استفاده اتمکی ، مثلاً آتشمعروض اولمادن ایلمی به طوغری بر صجرامه حرکتی اجرا ویاخود نتیجه قطعی به احضا ایده رک تسریع ایلمکی دوشوندیلر . فقط مفتش ، موضوع بحث اولان تعلیملرده بویه بر نتیجه استخراجی ایچون هیچ بر سبب موجود اولدیغی و بناء علیه بر سواری هجومنک اهمیت تعبیه سنک ینه علی حاله قالمش اولدیغی بیان ایندی . مع مافیة قوتلر جه اولان نسبت غایت ای کوزده دلشدی : بردشمن سواری بلوکنه قارشى بر پیاده طاغی فضلده دکلده ینه مطلق کفایت اییدیوردی .

۵۵ . اکثریتله استعمال اولونان : « صاعدن کن دشمن سواریسی ! نشانکه ... » قومانده سی ده علی العموم استعمال ایندی . چونکه قاعده صف حرب نظامنده هجوم ایندن سواری بلوکنک جهیه سی ، ۳۵ : ۴۰ قنکی حاوی اولان بر پیاده طاغی جهیه سندن ده اوزوندى . بناء علیه طاسم تکمیل دشمن خطی بردن آتش آلتیه آله یوردی . بونکله برابر کنیش پیاده وطوبجی هدفینه قارشى یاسلیدی کی سواری بلوکنک بر جناحندن باشلایه رق یاواش یاواش اوبر جناحه قدر آتش آلتیه آتمش اولسه ایدی ینه خطا ایدلمش اولوردی . چونکه سواری بوررکن حذا و برابرلکی دائماً مرکدن آلیر ؛ بناء علیه سواری بلوکنک مبادی بر صورتده ارتباطی محافظه اتمی ، مبادی بر صورتده انداخت ایدله جک مر میلرله رخنه دار ایدله جک اولورده ، اوزمان سوارینک هجومه موفق اولسی ایچون فوق العاده لزومی اولان ارتباط کلیاً زائل اولور .

۵۶ . مع مافیة شوماده ده بیان ایدیلن قواعد و تجارب ، هر درلو احواله قابل تطبیق اولق اوزره ده تلقی ایدله میدر . چونکه بو خصوصده اک زیاده مهم اولان ماده هدفی اهمیت عظیمه تعبیه سنه نظرأ انتخابدن عبارت اولوب آتشک اجرایی ایچون ایکنجی درجه ده بر اهمیت حائزدر . هدفک اهمیت تعبیه سی ایسه دائماً مبتدل اولدیغی جهته اهمیت مذکورده نک مقصد محاربه به ، دشمنک تدابیرینه و اراضینک حاله نظرأ هر زمان اداره آتش سباه سنده طوغری بر صورتده قرارلاشدر لمسی اقتضا ایدر .

۴ . آتشک نوعی .

۵۷ . مانورده بلوکرک همان اکثریا نصفی بطریقه یایلم آتش ایندی ، دشمن پیاده سنک یناشیق نظامنده کی قطع لرینه هر طرفدن یایلم آتش ایدلدی ، فائق قوتلرده

سواری ینه یایلم آتشه پوسکورتدیلر . صف حرب نظامنده طوران ربلوکه یایلم آتش ایچون قومانده ویرمهک ، حتی ساکن بر هواده بیله ، اکثریا نفس نفسه کلش بر یوز باشینک سسی پک زور یتشیر . ذاتاً تعلیمنامه ده طاقم حقنده : « انشای محاربه ده طوب و تفنک کور و تیلری سبیل یایلم آتش ایچون ویریه جک قوماندی یناشیق نظامنده بولونان طاقم بیله ایشتدرمک کوچ اولوب طاغیق نظامده بوحالده بر قاتدها آرتیزق » (تعلیمنامه ، ۱ ، ۱۵۱) طرزنده اداره کلام ایلمکده در . حتی قومانده غایت آجیق و منتظم بیله ویرلمش اولسه ینه یایلم آتشده نتیجه اصابت غایت آذر ؛ چونکه یناشیق نظامده هر نفر ، نشان وضعیق آلوب نشان آله جنی زمان یاننده و کریسند بولونان نفر دن طولای غایت راحتسز اولور ؛ بوندن ده صرف نظر - اکثریا طاغیق نظامده ده اولدیغی اوزره - « آوجی آتجی اصابت ایتدیره جکنه قانع اولدیغی زمان آتش ایدر ! » دیه اوتهدنبری رعایت ایدیلن قاعده اساسیه ده رعایت ایدله مش اولور . چونکه نفر یناشیق نظامده ، اصابت ایتدیره جکنه قانع اولدیغی زمان آتش ایتوب هدفک یرنده طور و طور - مدیغی بیلمسی غیر محتمل اولان بر کیمسه طرفندن کنده نه امر ایدلیدیکی زمان تنک چکوب آتش ایدر . هله قوماندانک ویردیکی قوماندیه ایشیدیلوبده افراددن برینک قوماندهدن اول آتش اتمی اوزرینه تکمیل افراد بردن آتش ایدر لسه ، اوزمان تاثیر ده زیاده تناقص ایدر . بر چوق تجربه دیده سواری قوماندانلرینک فکر نهجه ، بار کیریایم آتشدن زیاده آوجی آتشدن اورکیور . بوندن باشقه ، بونکون دومانسز باروتک مستعمل اولسی حسیله یایلم آتشک ، قطعانک اوکندن دومانک چکلمسی کی فوایدی ده هیچ بر اهمیت حائز اوله ماز . حتی یایلم آتشک قطعیه قوماندانک الی آلتنده بولوندرمسی کی حائز اولدیغی ناقابل انکار منافع بیله مابعدی وار



عثمانیلینک اوروپاده طرز تاسیسی

یاخود

فتح جلیل قسطنطنیه

محرری : مکتب حربیه شاهانه محاربات مشهوره عثمانیه وطوبجیق و بالستیق و فن اسلحه خفیه درساری معلی عموم طوبجی واستحکام قومیسونی اعضاسندن وارکان حربیه میرالورلدن احمد مختار پاشا - محل طبعی : باب عالی جاده سنده طاهرک مطبعه سی - یومی : معلومات غریبه سنه تفرقه ایدلکدن صکره کتاب صورتنده دخی طبع ایدلشدر - تاریخ طبعی ۱۳۱۸ - آغستوس - فیاتی ۲۰ غروش .

صاحب اثر (عرض حقیقت وارثک مأخذ نری) سرلوحه لی مدخل کتایده شو وجهله بیان افکار ایدیه یورلر :

[امت نجیة اسلامیه و عثمانیه به جناب اللهک بر عطیه مخصوصه سبجانیه سی اولان پادشاهان آل عثمان حضراتنک بیوککلرینی ، تقدیر عالی خصائل جیهله ویرکزیده به مالک اولدقلرینی کوسترمک و شوصورتله انلرک نجل نجیجی اولان اب مشفق عثمانیان ولی نعمت بیتمتولی نعمت عالمان السلطان ابن السلطان السلطان اغازی بیوک (عبدالحمید) خان افند منر حضرتلرینک احای دولت و اعلاى شان سلطنت و خلافت ایچون کجه کوندر زراحت و حضور هاپونلرینی فدا لاله ملک موروثلرینی جدا احیا ایدره ک پادشاهان آل عثمان حضراتی مابنده فصل بر موقع انجال وانفراد احراز بیورمش بولندقلرینی اراده و اثبات ایلمک مقصد صداقتکارانه سی ایله من غیر حد کشیده سالتک تجریر ایلمش بولندیغی شو اثر ناچیز : اک مشهور مورخ و محرر لر مژدن قرق متجاوز ذواتک متن کتایده صره سی کلد کجه اسملری درج و تحریر اولان - آثار مهمه سنه بولنردن بشقه استانبولک عثمانیلر طرفندن محاصره سنده حاضر اولان ویا اودورده کلن ییزانس و غرب مورخن قدیمه سندن اونی متجاوز مورخک روجه و لاتینجه یازلمش اولان آثار مهمه قدیمه سیله سائر روم و یونان و فرنک مورخن و محرریندن اواکی یوز مورخ و محرر شهرک - ینه متن کتایده صره سی کلد کجه اسملری درج اولان - آثار و مؤلفات مختلفه سنه مراجعتله تحریر اولمش و مع هذا کرک استانبولک قدیم سورلری و کرک آلآن موجود ویا خرابلری باقی قالان آثار قدیمه مهمه سی حقنده اورالره بالذات عنایت ایدرک اجر ایتدیکم تدقیقات و تحریات عمیق و والده اتمکه ساعی اولدیغی بعض رسملر و توارخ و اوراقندن مستحصل معلومات وسیعه سباه سنده نقایصدن آزاده اولسی امکان داره سنده تأمین ایدلشدر .

اثر معروف ایو کاغداوزرینه مکمل طبع ایدلمش بیوک قطعه ده ۳۱۹ صفحه متی و ابروجه الواح اوزرنده وایو کاغدا اوزرینه و بعضی نری رنگلی اوله برق بر صورت نفیسه ده طبع اولمش ۳۳ قطعه رسم و پلانی حاوی اولوب شمدی به دکن مملکت مزده طبع و تمیل اولان نارعسکریه و ادبیه نک مندرجات و صورت طبع و تمیل جهتیه برنجیلری صره سنده اولدیغی کی استانبول فتحه داتر کرک بزده و کرک اوروپاده هنوز بویولده بر اثر مکمل نشر ایدلماشدر .

قلیشه لری صورت مخصوصه ده اوروپاده یایدیرلمش اولان رسملرک مودللری آتی به صره سیله درج ایدلشدر :

حضرت فاتحک سرای هاپونده کی اصلندن استنساخ اولمش اولان تصویر هاپونلری - روم ابلی حصارینک رسملری - فتح قسطنطنیه ایچون اردوی هاپون ارکاننک عقدا یتدکری مجلس حرب - سلطان احمد میدانی [هیودورم] - یدی قله شاتونسک رسملری - یدی قله قیوسی ، بلغراد قیوسی ، سیلوری قیوسی ، طوبقیوسی ایله جوارلرندک سورلرک آبرو آبرو رسملری - مورخ قدیم « بوئون داونت » طرفندن ترسیم ایدلمش اولان ایکی قطعه اسکی استانبول مع پلانی [تشریحات] - الیوم پارس کتبخانه قرالیسنده محفوظ اسکی بر استانبول پلانی - قصر وقتنده [قرون وسطاده] استانبولک احوالی و تقسیمات داخلیه سی و حوالیسنی کوسترن

و بیوک آتسقلوبه دیدن آتمش اولان بر استانبول خریطه سی - ییزانس ایمر اطورلرینک صندالی حکومتی - اعزّه خرسنیه دن اولان بیوک قسطنطنینک رسمی - ایاصوفیه نک بانسی « ژوستینیئن » ک اتلی هیکلی - دور فتحده قیافت عسکریه عثمانیه - صوک استانبول محاصره سنک پلانی - حضرت فاتحک اوج بیوک طوبندن الیوم لوندره موزه سنده بولنان برینک رسمی - محاربه بحریره ده حضرت فاتحک دکره آت سورمسی - قره دن سفن عثمانیه نک قزاقلرله چکامسی - بیرام پاشا سورلری - (هجوم جیهه سی و کدیک محارری] - صوک دفعه اجرا اولان هجوم عمومینک رسم مناظریسی - صوک ایمر اطورک رسمی - ایاصوفیه معبدی - اسکی سرای ایله تکفور سرایینک رسملری - قهریه جامی - فتحه جامی - حضرت فاتحک بعض مدالیه لر اوزرنده کی رسملری - بعد الفتح تأسیس اولنان داود پاشا اردوگاهی اثر مذکور درت باب به منقسمدر .

[برنجی باب] : قبل المحاصره وقوعه کلن احوالی و بالخاصه بوغاز کسن حصارینک [روم ابلی حصارینک] صورت انشاسنی و بعض معلومات مهمه فی ناقل و مشتملدر .

[ایکنجی باب] : استانبولک قیصرلر وقتنده کی احوال قدیمه طوبوغرافیه سندن باحث اولوب شمدی به قدر کرک مملکت مزده و کرک اوروپاده باصیلان هیچ بر اثرده احوال مذکورده بو درجه لرده تصریح و تشریح ایدلماشدر .

[اوجنجی باب] : استانبولک احوال قدیمه ناویخیه سی حقنده معلومات و تفصیلاتی مشتملدر .

[دردنجی باب] : عثمانی اردوسنک ادرنه دن استانبول اوزرینه حرکت و اردوی هاپونلرک پیشگاه قلعه ده نه صورتلر برلشوب نظام حرب آلدیغه ، طرفینک تجهیزات و ترتیبات عسکریه و حربیه لرینه و اسلحه و قوتلرینه و قوای معنویه لرینه ، محاصره محاربه سنک صوراجرائیه سنه ، شمدی به دکن احوالی هیچ بر اثرده ایوجه تصریح اولنایان روم آتشنک ترکیباته ، محاصره محاربه سنک صور اجرائیه سنه ، وقوعه کلن مختلف هجوملر ، و محاربه بحریره به ، عثمانی دوغسانک قره دن قاسم پاشا قوت ایتدیرلر سنه شدیداً دوام ایدن صوک محارباته ، هجوم عمومی حاضر قلرینه و انک اجراسنه ، عساکر عثمانیه نک شهره دخولیه بعد الفتح وقوعه کلن احوال مختلفه به داتر توارخ عثمانیه و اجنبیه نک اعطای یتدکری معلوماتک اک اساسلورلرله بویولده کی تلخیصاتی جامع و بویولده بر طاقم معلومات و مطالعاتی شاملدر . نهایت کتایده مثلا کورانی انشاسیله عربی العارده فتحنامه نک بر صورتی مندرج اولدیغی کی یوم عید فتح جلیل قسطنطنیه به متعلق ایکی مهم مقاله واردر .

اثر مذکور ولی نعمت بیتمتیز پادشاهنر افند منر حضرتلرله دولت معظمه عثمانیه لرینه فرط صداقت و محبتک بر مثال مجسمیدر .

تاریخچه افغانستان

افغانستانک موقع جغرافیسی ، اک مهم کچیلری ، قبائل مختلفه سی ، بلاد مشهوره سی حقنده تفصیلات لازمه آلق آرزوسنده بولنانلره مطبوعه منر طرفندن طبع و نشر ایدلمش اولان (تاریخچه افغانستان) ی بوسیله ایدرز بواثر مرحوم امیر افغان عبدالرحمن خانک رسملری ایله بعض مهم کچیلرک و شهرلرک تصاویرنی محتویدر . فیاتی ۶۰ پارهدر .